

中華民國郵政特准掛號認爲新聞紙類

中華民國十年八月六日至十日

第四十四期

湖南政報

(印代局刷印章吟街正門吳小沙長)

價目

(三)(二)(一)

本報每月每份光洋八角
外埠每月每份另加郵費二角
每冊零售一角四分

湖南省長公署發行

目錄

總務

省長公署委任李鳴九爲政務廳廳長由

省長訓令私立專門以上立各省校長填造六七八九各年學校統計表賣署以便彙編由

省道縣聯合中學

內務

省長訓令各縣知事對於烟土案件加印封固認真驗收報解由

教育

省長榜示考送國立南京廣東武昌各高等師範及武昌商業專校北京清華學校取錄各生由附各校正

取備取學生姓名表

省長訓令各學校准北京教育部咨開北京體育學校第一班學生肄業期滿舉行畢業呈請服務等情
仰各校長酌量擇聘以資服務由附抄畢業學生名單一紙

省長指令桂東縣知事袁贊德呈賣社會教育調查表由

省長指令澧縣知事朱赤呈賣漢景高等小學校九年度員生各表由

省長指令祁陽縣知事成朝棟呈報學務委員會成立請備案并刊鈐記由

省長指令長沙縣知事據該縣勸學所所長鄒希魯呈爲田賦附加專作籌施義務教育經費應請撤銷

省長訓令長沙縣知事據該縣勸學所所長鄒希魯呈爲田賦附加專作籌施義務教育經費應請撤銷

挪用原案等情仰該知事轉咨該縣議會查照復議由

省長訓令湘岸榷運局據平江縣知事呈爲每鹽一包抽收學捐四分仰該局長核議具復由

實業

省長訓令財政廳據瀏陽知事呈賣荒山調查表請給補助費仰該廳查照核發由

省長訓令水利局將歷年清丈手續完清之境分別造具清冊備查仰該局長遵照前令辦理具核由

省長指令漵浦縣知事呈請將縣議會議決縣農會援例帶捐券票費立案由

省長訓令省農會迅將十年度農事報告書造費來廳以憑查核由

財政

省長指令平江縣知事呈送十年六月賦稅報告書由

省長指令南華釐局呈復菸酒屠稅報告書所列委員薪水請註銷仍作結存由

省長指令平江縣呈復菸酒屠稅報告書所列委員薪水請註銷仍作結存由

省長訓令財政廳據漵浦知事陳整呈爲違令造費牙帖當帖契稅一覽表仰該廳查照辦理由

司法

湖南高等審判廳指令耒陽縣知事電呈李甲李乙同族七代兄弟甲故乙娶甲妻應否有效請示遵由

湖南高等審判廳指令麻陽縣知事呈賣接收前任移交總冊加具印結請察核示遵由

湖南高等審判廳公函

湖南高等審判廳指令溆浦縣司法收費書記官劉需霖呈費十年六月份司法收入附屬表暨加徵訟費及抄錄費報告書由

湖南高等審判廳訓令藍山縣知事據道縣知事文漢德電稱前在甯遠任內判決案件解卷道縣未結者請指令該縣爲二審機關等情仰該知事遵辦由

湖南高等審判廳指令道縣知事文漢德電呈該知事前在甯遠縣知事任內判決之案聲明上訴應行迴避請指定移轉管轄由

湖南高等檢察廳指令華容縣知事呈監犯陳守貞反獄行兇請示辦法由

湖南高等檢察廳指令南縣知事據呈舒鱗甲等電訴夏炎一案多係竊名請銷案由

湖南高等檢察廳指令益陽縣事呈費前知事趙佳白司法交盤清冊請令遵由

湖南高等檢察廳指令醴陵縣知事據報張維青等兩家被刦一案由

湖南高等檢察廳指令道縣知事據報李桂青命案經零陵縣知事代爲相驗情形由

湖南高等檢察廳指令湘陰縣知事據報蘆林潭米捐局被搶勘緝情形由

湖南高等檢察廳指令保靖縣知事轉費張管獄員接管獄務清冊請查核備案由

湖南高等檢察廳指令長沙地檢廳轉費所轄看守所十年六月經費清單由

湖南高等檢察廳指令藍山縣管獄員呈費十年六月份經費清單由

湖南高等檢察廳指令保靖縣知事轉費唐管獄移交獄務清冊請查核備案由

第

四

十

四

期

表單據由

湖南高等檢察廳指令宜章縣知事據報廖楊氏即盛仔被姑廖黃氏凌磨致死一案相驗情形由

總務

湖南省長公署委任狀

委任李鳴九代理湖南省長公署政務廳廳長此狀

趙恆恩

中華民國十年八月八日

湖南省長公署訓令

省

立

令私立專門以上各學校校長

各省聯合中學

爲令行事案照縣立各校學務統計業經通令填報在案惟省立各校及私立專門以上各校自民國六年以後訖未調查有案匪獨全省教育狀況不克周知即近年來各該校辦學之成績亦無憑查考現屆九年度學年告終所有各學校歷年未經造報各年表亟應賡續補報以資銜接除分令外合行檢發正式令仰該校長遵照即將六七八各年學校統計按照表列學事逐年補造一份連同九年度學校統計併案費呈以便彙編切切毋延此令

計發學校統計表一份表式說明一紙

趙恆恩

中華民國十年八月五日

總務

期 四 十 四 第

總務



內務

湖南省長公署訓令

余各縣知事

爲通令事案照本署近日節據各縣陸續報解烟土迭經派員覆驗其中動兩相符土質純淨絕無弊混者固不乏人而短斤兩摻合假土希圖作弊混者亦所在多有一經詰詢則解土員兵輒以外封未動內容真贗實難負責爲詞及至行文查究或案關接收移交則新舊任互相推諉或案關查緝團警拿報即不藉口籌墊軍需卽藉口辦理荒政公務旁午收驗疏忽輾轉推延莫可究詰雖經分別照章懲戒押追究於禁烟前途諸多窒礙若不嚴明申令流弊所極將使煌煌禁令徒爲他方官吏開一巧取貨利之門殊堪痛恨爲此通令各該知事嗣後報解烟土除於貯土箱篋加蓋印封外仍應逐件加封完固鈐印并蓋用該知事私章以防作弊如漏未加封或加封而漏未鈐印蓋用私章者本署概不驗收如經各該知事加封鈐印蓋章而驗係假土者即依官吏犯贓條例從嚴治罪并追繳原贓驗燬除分令外合行令仰該知事遵照仍將奉文日期呈報備查此令

趙恒恩

中華民國十年八月九日

期四十四第

內
務



湖南教育

湖南省長公署榜示

湖
南
省
長
公
署
榜
示
爲榜示事照得考送國立南京廣東武昌各高等師範學校及武昌商業專門學校北京清華學校學生業經本省長督飭教育科會同各科閱卷員分科局試並請西醫檢查體質各在案茲經彙集試卷詳加批閱評定分數分別正取備取揭榜曉示除正取生試卷相片履歷冊畢業證書及檢查體質表由本署分別郵寄各該校外仰各該校正取學生於本月六日以前來署填寫保證書履歷書（清華正取生及備取生前一名加填畢業志願書）具領公函自備旅費及應繳證金學費雜費各項按照後開日期分別前赴各該校報到聽候覆示毋得遲延自誤至備取學生應俟正額出缺再行挨次傳補其餘未經取錄學生卽便來署取還證書相片可也須至榜者

計開

南京高師正取生四名（應於八月十五日以前到校）

張超 皮宇斌 姜瑞瑜 劉掞藜

南京高師正取生又一名（應於八月十五日以前到校）

劉作舟江西新淦縣人准予面送惟面中聲明應佔江西名額

武昌高師正取生七名（應於八月二十五日以前到校）

鄭際旦 顏仰高 唐鎮坤 周樹立 彭兆樟 袁志農 易希文

廣東高師正取生四名(應於八月二十五日以前到校)

譚舜階 魏業禾 蕭武忠 黃雲

武昌商業專門學校正取生四名(應於八月二十五日以前到校)

李異言 黎明濬 張超 唐堯華

北京清華學校正取生三名(應於八月二十五日以前到校)

王季高 黃瑞雲 李謨熾

南京高師備取生四名

李靜 劉輝閣 黃賜 劉揚清

武昌高師備取生七名

劉漢鑄 李冠庸 謝國馨 李國棟 段高魁

北京清華學校備取生六名

朱邦任 王星奎 曹受光 羅正焯 彭曼碩 唐讓鍾

趙恒惲

中華民國十年八月四日

湖南省長公署訓令

爲令行事准北京教育部咨開據北京體育學校呈稱本校第一班學生係於八年暑假後由鈞部通行各省錄送入校肄業現在二年修業期滿舉行畢業試驗業經另文呈報鈞部在案查本校以養成體操武術教員爲宗旨簡章內載畢業生得充中小學校及師範學校教員該畢業生等所修科目成績均尚可觀理合開列名單呈請鈞部通行各省省長及教育廳轉飭各學校儘先聘用藉資服務等情據此相應抄錄該校畢業生名單咨請貴署查照辦理可也等因并附畢業生名單一紙到署准此合行照抄畢業生名單送登政報令仰各該校長即便酌量擇聘以資服務此令

附抄畢業生名單一紙

趙恆恩

中華民國十年八月六日

湖南省長公署指令

令桂東縣知事袁贊德

呈賣社會教育調查表由

呈表均悉表存署彙編惟查該縣閱報所竟未設立殊於啓迪民知大有妨害應即轉令勸學所從速籌辦爲要此令

趙恆恩

中華民國十年八月六日

湖南省長公署指令

令澧縣知事朱赤

呈賣漢景高等小學校九年度員生各表由
呈表均悉准予備案惟查新班學生多未在國民學校畢業應於學年告終時嚴重甄試分別進級留級
以符學力仰即轉知遵照表存此令

趙恒恩

中華民國十年八月六日

湖南省長公署指令

令祁陽縣知事成朝棟

呈報學務委員會成立請備案并刊鈐記由

呈及表摺均悉應准備案學務委員聯合會係臨時辦法即由該知事刊發鈐記以昭信守俟各學區正
式學務委員會成立後再行繳具刊貲郵費呈候本署頒給可也表摺存此令

趙恒恩

中華民國十年八月六日

湖南省長公署指令

令祁陽縣知事成朝棟

呈爲議決劃分學款請核備案由

呈摺均悉應准備案仰即迅令保管處照議定各數切實劃交勸學所妥爲經管摺存此令

趙國愚

翻

南

爲令行事據該縣勸學所所長鄒希魯呈稱竊所長前由縣署轉奉鈞署訓令籌施強迫教育一案當即遵照籌施說明書內籌集經費辦法呈請縣署咨請縣議會議決准於本縣田賦每正銀一兩增加附加

三角六分作爲強迫實施教育經費并由所長呈請縣署將此項經費永遠不得移作別用在案茲奉縣署函開逕復者案准來牘內開本縣田賦每正銀一兩增加附加洋三角六分作爲強迫實施教育經費一案前經縣議會根據省長公署公布之省議會強迫教育實施案開會議決咨請鈞署查照公布並自本年開徵田賦上忙時附帶徵收作爲本縣強迫教育實施經費復經縣教育會議決此項附加自本年開徵起即作爲強迫教育實施經費永遠不得挪作別用所長亦經呈明在案現值強迫教育亟待設施田賦開徵亦在伊邇匪請垂爲定案則與省議會議決原案既有未符且與強迫教育確定之經費亦恐發生影響用敢備文呈請鈞座伏乞核准將自本年起增加之田賦附加洋三角六分永遠作爲本縣強迫教育實施經費隨時發交屬所具領以垂定案而利推行等因准此查此項田賦附加前准縣議會咨

報

復內開案准貴署咨交九年度地方經費已付及待支各款應如何籌措一案經敝會提出討論僉謂此案待籌各款九年度將次告終應於審查十年度預算時統籌支配指定的款撥還等因旋據審查報告以九年度地方不敷經費合計洋一萬四千七百一十七元七角六分又錢二十八串文現在經費支絀只能於無可設法之中爲移緩就急之計查議決籌備實施強迫教育案內新增田賦附加稅三角六分照原額以九折計算可收入洋一萬四千五百八十四元作爲此項教育經費現距實施期間尙遠暫行挪用尙屬可行案經公決相應咨請貴署查照辦理等因並經該會於咨交議決十年度地方各經費收支預算綱冊內支出項下特別門詳細說明業已函達貴所在案茲准前因相應函達即煩查照辦理等因奉此竊查長沙地域極爲遼闊業經所長呈請召集縣教育行政會議議決劃全縣爲七區卽於本年下期成立學務委員會着手調查學齡兒童等事項并於省會市鎮從事實施又議決於無高小學校之鎮鄉分別增設高小五校以免教育偏枯惟所需經費至鉅即以縣議會此次議籌田賦附加約計光洋一萬五千元尙不敷用乃縣議會因九年度地方不敷各項經費遂云強迫教育實施之期尙遠爲移緩就急之計議將此項經費暫行挪用所長伏以鈞署限期籌施義務教育急待進行所籌經費一經移用不獨於省會市鎮不能如期實施即以着手籌設各事項亦屬無款支付似此情形於籌施義務教育必有停滯之虞茲奉前因理合備文呈請鈞署察核准予令行長沙縣知事剋日咨請縣議會將此項教育經費暫行挪用原案撤消並將學款不得移作別用永垂案以重學款而維教育不勝迫切待命之至等情據此除指令呈悉學款不得移作別用業由本署迭次通令各縣遵照該縣籌施義務教育之限期

已迫此項的款亟待開支尤未便隨意挹注致妨進行准即令行該縣知事轉咨該縣議會務照本署遞頒法令辦理即將移用學款原案覆議撤銷可也此令印發外合行令仰該知事卽便轉咨該縣議會查照覆議毋使義務教育之推行發生阻害是爲至要此令

趙恒恩

中華民國十年八月六日

湖南省長公署訓令

令湘岸榷運總局局長胡學伸

爲令行事據平江縣知事朱熹呈稱案據屬縣勸學所所長歐陽韓教育會會長吳炯參事員喻榮李師韓江詩伯方潔李先培李家鐸余國珍秦德明財產保管處主任鄒人驥等呈稱竊平江自北兵疊次過境後人民窮困元氣凋傷重以紅茶連年虧折商業蕭條縣有財產收入驟然減少致各項公益事業有停頓之勢其原是准抽收茶麻油紙及百貨公益捐多係作爲教育經費目下收入之數不及十分之三其錢糧息金原作爲地方行政用費亦業經財政廳令免又平江岸運商於清光緒間每年捐銀四百八十兩作平江書院膏火費曾奉兩江總督曾鹽院批准興學後撥作學款歷由平江榷運分局撥收無異嗣因改兩爲元頗生梗阻疊呈奉省長公署泊湘岸榷運局核准改爲七百二十元指令由淮商公所扣撥本年四月接淮商公所函以貼邊費停收款無從籌措爲詞職所等查此款確係平岸運商捐輸實與貼邊費無涉疊次向該公所交涉仍復支吾搪塞以上種種收入短少地方行政日形停滯若不設法補

救自治事業轉而卻步况教育爲立國之本經費爲教育之命脈現屆實行強迫教育期間其推廣小學增設補習學校及提倡社會教育在在須款籌辦似此財源涸竭教育現狀已有朝不謀夕之勢尙何進行之可言不得已乃與平江商會協商擬於每鹽一包附收學銀捐四分每月由平岸鹽務公所彙繳藉以抵補收入之短損爲權宜救濟之法如此於人民負擔無幾於教育受益無窮伏乞轉呈省長公署並咨湘岸局核准施行深爲公便等情據此知事覆查該所長等陳述各節均係實在情形此次所請於每鹽一包附收學捐銀四分亦屬迫不得已之舉茲據前情除酌量指令外理合具文呈請鈞署俯賜核准並祈轉行湘岸榷運局查照施行仍候指令祇遵等情據此除指令呈悉此案並據該縣勸學所所長等呈請到署查各縣鹽費附加早經明令取銷惟據稱該縣此項鹽捐定案收撥原係捐輸性質自與其他附加有異應卽照案辦理所請每包收銀四分以資抵補一節已經商會同意准卽余行榷運總局核議具覆再行令達可也此令印發外合行令仰該局長卽便核議具復以憑令達此令

趙恒愚

中華民國十年八月六日

實業

湖南省長公署 令

湖

南

令財政廳

案據瀏陽縣知事劉武呈稱案據屬縣農會會長宋闡炎呈稱竊調查荒山前經呈請令委李紳世璜爲調查員並由屬會帮同調查惟邑境遼闊足迹不易遍歷此次調查爲造林之豫備務必認真分途出發趕速辦理尙未竣事茲據調查員調查冲和鎮轄境內公有荒山一處私有荒山四處函報到會除函覆並敦促調查以期尅一歲事外理合先將該五處荒山填表費呈請賜察核懇予即轉省長公署備查其餘各處一俟調查報會續行呈報再調查費省款補助洋一百元現屬會需費孔急伏懇轉呈察核飭領俾完調查事務深爲公便等情據此查該會長所稱各節尙屬實情理合檢同荒山調查表一份備文呈請鈞署俯賜察核備案並懇將補助洋一百元飭發下縣以便轉給具領等情據此除指令呈悉據請飭發省款補助調查費一百元准令行財政廳照數核發惟此項調查命令限期已逾數月迄今尙未辦妥殊不可解仰卽轉飭該會迅速將調查事項切實辦竣續報察核飭遵此令印發外合行令仰該廳卽便查照核發此令

趙恒德

中華民國十年八月一日

湖南省長公署訓令

實業

一

令水利局

二

爲令行事案據南縣知事呈稱案准南縣議會咨開案據公民蕭大烈黎仲山劉芸田陳允徽楊榮甲等具請願書開爲請願事竊查湖田清理章程第二十六條清理湖田局應設置湖田清冊根據測丈所得之畝數及等則分別登記之第二十七條前條清冊清理湖田局應於登記字竣移交縣知事公署並分

報省長公署財政廳第二十八條自登記之日起縣知事應遵照省長呈定稅率按畝徵收田賦南縣轄境湖田前經寧局長華鼎任內清丈換照計十四萬餘畝當將登記清冊移交前南縣知事王佑照造徵冊徵收田

賦在案嗣烈等磬石九垸中和大垸中和附垸裕國永福里仁樂安官福美仁安仁仁壽乾美垸湖田

復經清理湖田委前南縣測丈所長曾兆鵬賡續清丈徵繳莊照各費換給譚前省長咨准財政各部

農商內務

頒發湖南財政廳民業田照烈等湖民對於清丈繳費換照升科各稱手續均已字竣湖田局應即查按定章照甯華鼎辦法隨將登記清冊移交縣署照造征冊徵收田賦以完手續詎料該所徵費換照甫竣立即撤歸省垣所有未完事宜一概移交水利局設立專科繼續辦理而烈等各垸登記清冊遍查縣署檔案迄未移交轉瞬開徵造冊在即非經貴會咨請轉催一面提前照造竊恐於徵賦前途不少妨礙爲此聯名請願貴會提前議決轉咨縣署據情轉請省長令飭水利局迅將已經清丈換照各垸登記清冊移交過縣一面令飭已經清丈換照各垸垸首趕將各垸換照底冊先行送署以便提前照造徵冊免誤徵收進行實爲公便等情到署據此相應咨請貴知事煩爲查照轉呈等因准此理合呈請鈞署察核俯准令飭水利局即將縣屬已經清丈換照各垸登記清冊飭交到縣以重田賦等情除指令呈悉查該縣

東西南三鄉垸田前據該縣王前知事呈造升科清冊僅得上中下三則熟田一十四萬五千三百三十八畝一分八釐八毫當以地廣田稀殊滋疑竇究竟有無遺漏抑係張敬堯時代各該員司扶同弊混以多報少隨飭前湖田局迅委幹員馳往澈查遇有可疑之點卽會同該縣測丈所實行抽丈所有畝數是否與清冊相符據實呈候核奪並規定此項抽丈費用不得累及湖民俾昭公平分別令知在案現湖田局改爲水利局此案已否辦竣未據該局呈報據呈前情准令催該局迅速遵照前令辦理呈候核奪此令印發外合行令仰該局卽便遵照前令辦理具呈核奪此令

趙恆懸

中華民國十年八月二日

湖南省長公署指令

令漵浦縣知事陳 整

呈請將縣議會議決縣農會撥例帶捐券票費立案由

呈悉該縣農會呈請援例帶捐券票費作爲常年經費旣據稱咨由縣議會議決每票照舊收元錢一百文以五十文撥歸農會等情自應准予立案惟該農會旣籌有的款所有關於農林各項事業急應督飭積極進行務使款不虛糜事皆舉辦循名覈實日起有功是爲至要再該會會章前經指令轉飭遵照核定各節改繕二份費著核奪未據賣呈仰卽轉飭迅速繕造並再具職員履歷一份連同費核以便彙咨此令

趙恒毅

中華民國十年八月八日

湖南省長公署訓令

令省農會

爲令行事案照農會規程第二十條內載農會每年應將該會事務及該會區域內農業狀況編成農事報告書分別呈送主管官署等語查該會設立以來歷有年所此項報告書未據呈送現在九年度業已終了十年度又逾一月本署爲促進會務厲行農政起見亟應切實考查以觀成績合亟令仰該會即便將上年度該會事務及經辦農林各項事業並調查所得該會區域內之農業狀況迅速彙造報告書費呈本署以憑查核是爲主要此令

趙恒毅

中華民國十年八月八日

財政

湖南省長公署指令

湖

南

政

報

呈送十年六月賦稅報告書由

令平江縣知事朱 薫

呈書均悉查收支統計下欄應將撥付錢數併入滾列庶收支兩方數目平均適合又本月收入田賦券費及借墊兩項共錢一千八百二十六串三百零二文來書收入綜計只列錢九百二十七串三百九十三文未將券費收數併入均屬不合已由署代爲加註嗣後務須注意再該縣歷次賣到一月至五月賦稅及四月菸酒屠稅各報告書坐支撥付解繳各數未註明取有金庫某字號收據及財政廳通知書並各機關印收呈准列抵又九年十一十二兩月賦稅未據報告迭經指令將飭查事項按月分項查覆補造在案迄今仍未違辦現在各項收支亟待彙編公布併仰遵照節次指令將飭查事項按月分項查覆並補編報告書賣署彙核懸案以待毋再違延切切此令書存

趙恒恩

中華民國十年八月六日

湖南省長公署指令

令南華釐局局長盧建勛

呈送十年六月收支報告書由

財政

呈書均悉准予備查惟撥付第二師九團一營及第六團兩款曾否取有該團營印收呈准列抵解繳預解兩數已否取有金庫某字號收據來書均未說明又該局四月書內數目不敷九年十一月至十年三月收支數目未據報告迭經令催迄未遵辦併仰分別查明按月補造刻日呈署核辦毋再故違切切此令書存

趙恆恩

中華民國十年八月六日

湖南省長公署指令

令平江知事朱 燉

呈覆菸酒屠稅報告書所列委員薪水請註銷仍作結存由

呈悉准予備查惟菸酒硝屠各稅各局所雖無詳細表冊移交該縣既已接收當有案卷簿籍可資參攷應仍責成該知事就移交卷內逐款鉤稽妥爲編造如實在無憑查悉即轉知各前局所自九年十一月起照章補造清冊移交再行編書彙核至印花稅務未經歸併自應遵照前次通令由該知事責成該局按月造齊彙轉再原領七種書式司法一項當時旣未奉到何以不立刻呈明迨本署迭次令催始據呈報殊屬疏忽姑准補發一份併仰刻日補造連同前項報告書送署毋再藉延切切此令

計發司法報告書式一本

趙恆恩

中華民國十年八月六日

湖南省長公署訓令

令財政廳長

案據溆浦縣知事陳整呈賣十年五月十六日起至六月末日止牙帖當帖稅契一覽表到署查表列胡前知事牙帖費項下存洋二百零四元牙稅項下存洋六十元契稅契紙工本項下存洋一百五十四元二角二分四釐八毫迄今未據移交殊爲不合除指令呈表均悉應准備查惟表列胡前知事虧欠之款迄今尙未移交清楚殊屬玩延仰候余行財政廳嚴重追繳以重公款此令印發外合行令仰該廳長即便查照辦理切切此令

趙恒恩

中華民國十年八月六日

期 四 十 四 第

財政



司法

湖南高等審判廳指令

令耒陽縣知事劉虞

電呈李甲李乙同族七代兄弟甲故乙娶甲妻應否有效請示遵由

哿代電悉查具體案件不得率請解釋蓋以免干涉裁判之嫌電詢各節係屬具體案件該知事盡可查照規行判例辦理毋庸請示仰即知照此令

代理廳長羅任

中華民國十年七月二十四日

湖南高等審判廳指令

令麻陽縣知事羅本義

呈費接收前任移交總冊加具印結請察核示遵由

呈贊冊結均悉核閱冊載訴訟印紙費及加收四成訟費未據分月造報殊與法定手續不合應予發還仰卽查明冊內註明各點妥爲更造再卷查該縣八九兩年度所有司法收支書表全未造費此次所費冊列收支數目是否相符無從稽核併仰該知事卽便遵照迅將八九兩年度收支書表剋期編繕齊全連同交盤總冊費廳以憑核辦毋稍違延切切此令結暫存

計發還交盤總冊一本

代理廳長羅任

中華民國十年七月二十六日

湖南高等審判廳公函

巡啟者案查敝廳及沅陵第一高等審判分廳長沙常德兩地方審判廳暨兼理司法各縣十年七月份
支付預算書業經編造全齊並分填請款憑單相應函送

貴廳請煩查照分別填發發款通知書以便領款應用實紀公誼再零陵縣司法經費原列乙等每月預
算洋二百一十六元近來該縣訟案繁多於十年度七月起增加承審員一員月增洋六十元共計每月
支付預算洋二百七十六元應列爲甲等已於十年度各縣知事兼理司法歲出總數概算書備考欄內
說明合併聲明此致

湖南財政廳

計送敝廳及沅陵高等審判分廳長常兩地方審判廳預算書一本兼理司法各縣預算書一本請
款憑單七十七紙

湖南高等審判廳指令

令溆浦縣司法收費書記官劉需霖

呈費十年六月份司法收入附屬表暨加徵訟費及抄錄費報告書由

呈費十年六月份司法收入附屬表暨加徵訟費存根加徵訟
呈費件均悉查司法收費處每月祇造司法收入月報表一份以備查核其有原徵訟費存根加徵訟

費及抄錄費報告書並經徵款項附屬表按月函送縣知事查收即由知事編造收入計算並附屬表與該書記官於書表壳面署名蓋章後連同存根報告書費廳方為合法茲據該書記官將加徵訟費及抄錄費報告書逕費來廳手續殊屬錯誤又抄錄費附屬表與訟費附屬表分別裝訂亦屬不合嗣後造報月報表時務宜查照上開辦法妥為辦理至各月份原徵訟費存根應即檢齊送由知事轉費來廳以憑核辦毋違此令賣件存

代理廳長羅任

中華民國十年七月二十五日

湖南高等審判廳訓令

令藍山縣知事

據道縣知事文漢德快郵代電呈稱知事前奉省署電令調任道縣業於本月四日到任電呈在案查道縣為甯遠二級審知事兼省司法前在甯任內判決案件有聲明上訴解卷道署現未訊結者遵照各級審判廳試辦章程第十條第五款辦法應先行迴避並依第十一條所載聲明情形祇候核奪擬懇指定與甯邑毗連之縣移轉受理分別電達以利進行而符定章再查甯邑鄰縣有零陵桂陽藍山嘉禾新田祁陽常寧等縣就中惟新田藍山兩縣較近餘皆遠隔數百里而新田歐知事係甯遠籍合併電明等語據此除指令代電已悉查該縣為甯遠簡易案件上訴衙門據稱該縣知事在寧遠縣知事任內判決案件有聲明上訴解卷道署應照章迴避指定甯遠毗連之鄰縣移轉辦理而甯遠較近之鄰縣惟新田藍

山兩縣稍近新田縣知事歐冠係寧遠人等語自係實情准予指令藍山縣知事公署爲寧遠縣簡易二審案件上訴機關仰卽迅將上訴之案備文咨送並逐案指名佈告該上訴人遵照惟此種辦法係一時權宜變通之計移送各案應僅以知事在甯遠知事任內所辦結而又署名蓋章者爲限其餘應由該知事受理除訓令藍山縣知事遵照外仰卽知照此令印發外合行令仰卽該知事即便遵照辦理此令

代理廳長羅任

中華民國十年八月二日

湖南高等審判廳指令

令道縣知事文漢德

代電呈明該知事前在甯遠縣知事任內判決之案聲明上訴應行迴避請指定移轉管轄由

代電已悉查該縣爲甯遠縣簡易案件上訴衙門據稱該知事前在甯遠縣知事任內判決案件有聲明上訴解卷道署應照章迴避指定甯遠毗連之鄰縣移轉辦理而甯遠較近之鄰縣惟新田藍山兩縣稍近新田知事歐冠係甯遠縣人等語自係實情准予指令藍山縣知事公署爲甯遠縣簡易二審案件上訴機關仰卽迅將上訴之案備文咨送並逐案指名佈告該上訴人遵照惟此種辦法係一時宜變通之計移送各案應僅以該知事在甯遠縣知事任內所辦結而又署名蓋章者爲限其餘仍應由該知事受理除訓令藍山縣知事遵照外仰卽知照此令

代理廳長羅任

中華民國十年八月二日

湖南高等檢察廳指令

令華容縣知事

據呈監犯陳守貞反獄行兇請示辦法由

呈悉據稱該縣監犯陳守貞威脅看守希圖反獄既曰希圖則僅有意思而無行爲可知惟於管獄員赴監彈壓之時竟敢逞兇毆傷警兵顯係觸犯刑章該知事不予按律判辦而以具體案請示辦法殊有未合仰即知照此令

檢察長蕭度

中華民國十年七月十四日

湖南高等檢察廳指令

令南縣知事李勁

據呈舒鱗甲等電訴夏炎一案多係竊名請銷案由

兩呈均悉查夏炎被舒鱗甲等告發一案業經本廳委員會縣查覆其屬於司法範圍者惟毆傷陳雨山擅准和息一案頗有研究之價值已指令解卷核辦在案至其於南北交綏時附和朱澤黃勒提公款則繫屬於軍事範圍縣設清查事務所夏炎復盤踞於所中挾持官府則又爲行政事項茲該縣縣議會及各法團暨晏祖祿等先後呈稱舒鱗甲等原電係屬竊名並以夏炎平日爲人公正請予銷案該知事旣

認為可行應分呈

總司令部暨

省長公署聽候核示仰即知照仍遵前令將陳雨山一案檢送來廳以憑核辦毋稍稽延切切此令

第

檢察長蕭 度

中華民國十年七月二十日

四

湖南高等檢察廳指令

令益陽縣知事盧明遠

呈賣前知事趙佳白司法交盤清冊請令遵由

十

呈冊均悉查核所賣該縣前任趙知事佳白司法交盤清冊大致尙無不合惟狀紙項下舊管共二千四百三十四件新收共三千六百件既開除四千一百一十二件則實在只存一千九百二十二件冊列實在存一千九百九十九件數目不符自屬錯誤又罰金易刑金沒收款項物品沒收物品賣得金無論有無收入仍應開列四柱以備參考來冊概付闕如亦有未合至未結刑事訴訟案件六十二件係何案由亦應逐一摘錄俾昭慎重仰即查明更正呈復並加具印結賣廳再行核奪餘候高等審判廳飭遵此令

清冊暫存

檢察長蕭 度

期

中華民國十年七月二十日

湖南高等檢察廳指令

令醴陵縣知事梅尉南

據報張維青等兩家被刦一案由

呈及圖單均悉查兩案失事地點既不相同其被搶時日亦復先後各別立起呈報不特無此辦法而兩案編爲一卷遇有調查時亦覺深感不便仰仍照章分起呈報並一面嚴緝各案贓盜依限務獲審辦毋稍宕延切切此令

檢察長蕭度

中華民國十年七月二十日

湖南高等檢察廳指令

令道縣知事余鯤

據報李桂青命案經零陵縣知事代爲相驗情形由

呈及驗斷書均悉李桂青是否該縣六合團保衛局兵丁有無竊佩徽章潛逃之事蔣名哲等是否局中派出追捕之人均案中最要情節該知事於接得零陵縣咨文之日起立予調查並於呈文內詳晰聲敍方成公牘乃竟一字不提實屬無此辦法仰即先行呈復備查並一面傳集人證提同蔣名哲等審明判辦毋稍稽延切切此令

檢察長蕭度

中華民國十年七月二十日
湖南高等檢察廳指令

令湘陰縣知事黃周崇

據報蘆林塘米捐局被搶勘緝情形由

呈悉命盜案件以知事親詣勘驗爲原則即有要政不克分身亦只可委託承審員或警察所長爲之代替並須將因何不能親往緣由及委員銜名於呈內詳細聲明以昭慎重疊經通令不啻三令五申此案失事地點在蘆林塘距縣城並不爲遠被搶者係米捐局較諸尋常劫案更不相同該知事因何不能親往所委之張葵現在縣中任何職務呈內概不聲明不惟顯背定章卽其輕視重案亦有未合仰速先行呈覆備查並一面選派隊警飛關隣封營縣嚴緝本案正盜眞贓依限務獲審辦毋稍懈弛切切繪圖存此令

檢察長蕭度

中華民國十年七月二十一日
湖南高等檢察廳指令

令保靖縣知事胡履新

轉賚張管獄員接管獄務清冊請查核備案由

呈冊均悉查核轉賚清冊文卷表冊物品戒具等項尙與唐管獄員移交冊列數目相符應准備案惟人

犯項下未將已決犯之年籍罪名刑名刑期及執行年月日未決犯之年籍職業案由及羈押年月日詳實註明究不足以資考察而昭慎重合將原冊發還仰即轉飭張管獄員遵照另造妥冊仍送由該知事核轉備查至該縣前任知事周傑擅將已決犯方玉清彭治臣彭天達三名提保外治並仰該知事遵照另令辦理覆候核奪是爲至要此令文卷器具清冊存

計發還人犯清冊一本

檢察長蕭度

中華民國十年七月二十二日

湖南高等檢察廳指令

令長沙地方檢察廳檢察長賀壽嵩

轉賣所轄看守所十年六月經費清單由

呈及清單均悉案查前據該廳轉賣該所五月份實支經費清單到廳當核所支羈押人飲食數目較原額不過十分之六而所用男所丁名數已用至原額十分之八有強本廳已嫌與定章不合茲核該所六月份所列羈押人飲食數目尙未及原額十分之六較之五月份此項支數並減少至二十一元有奇而所用男看守名數反較五月份忽增五名尤屬有背定章本應將清單發還查照更正姑念天氣現值酷熱所有羈押各犯亟應酌量散居以重衛生從寬准將新添之看守五名暫時核准二名以便照料一俟秋涼仍當按照定章辦理其餘三名由本廳代爲刪除以杜浮濫此外如藥餌一項旣據開支滿額際此

天氣炎熱關於各犯未病時之衛生及已病時之疹治務須切實辦理毋得稍有敷衍致乖人道至各看守之服裝及羈押人之衣類臥具嗣後尙應按照所用名類暨所收人數隨時撙節開支不得任意列報致干駁詰除由本廳依照改定支數計洋九百六十九元九角填具書單咨請財政廳查照迅速支發以資應付外仰即轉令知照原單已代更正存此令

檢察長蕭度

中華民國十年七月二十二日

湖南高等檢察廳指令

令藍山縣管獄員歐陽鼎和

呈賣十年六月份經費清單由

呈及清單均悉查該監應支公雜醫藥衣類臥具各費通盤計算每月祇有一十六元六角六分六釐無論有何困難不准分釐超過茲核六月份所支前項經費竟有超過二釐情事雖為數不多究與定章不合除由本廳代為刪除外所有尙應領洋一百四十七元零二分六釐准予暫照預算原額填具一百三十元零六角六分六釐之書單咨請

財政廳查照支發以資接濟其囚糧超過經費計洋一十六元三角六分並准該員查照向章呈請縣署暫行墊付以維囚食仰即知照原單已代更正存此令

檢察長蕭度

中華民國十年七月二十二日

湖南高等檢察廳指令

令保靖縣知事胡履新

轉賣唐管獄員移交獄務清冊請查核備案由

呈冊均悉該縣卸任管獄員唐煥移交獄務清冊既經該知事覆查無異自應准予備案惟查冊開已決人犯方玉清彭治臣彭天達三名均經奉前令周提保已決犯方玉清等並未據報核准有案乃竟於卸任之際擅行提保實屬不合已極究竟有無賄縱情弊仰該知事澈查明確連同方玉清等罪名刑名刑期及執行年月日詳晰具覆以憑核奪如果方玉清等刑期尚未終了並着依法辦理毋任枉縱是爲至要此令清冊存

檢察長蕭度

中華民國十年七月二十三日

湖南高等檢察廳指令

令龍山縣知事成曜鈞

據任前知事達材轉賣舊監九年十一月至十年一月份支出計算書表單據由

兩呈及轉賣各件均悉覆加查核除計算書內款項目下各計算數漏未填載已代添註外餘無不合應准存案惟計算書表應按月造送三份並應造具囚糧統計表一份隨案送核該監此次造送之各該月

份書表均祇二份又無囚糧統計表殊不完備茲檢發囚糧統計表一份並將代爲添註之一月份計算書對照表各一份隨令附發仰於收到後發交該管獄員查閱仿照辦理并飭補造上年十一月至本年一月份計算書對照表附屬表囚糧統計表各一份來廳以便分轉發閱一月份書表各一份仍繳此令

檢察長蕭度

中華民國十年七月二十三日

湖南高等檢察廳指令

令宜章縣知事朱樹欣

據報廖楊氏即盛仔被姑廖黃氏凌磨致死一案相驗情形由

呈及驗斷書均悉凌磨幼媳最爲惡習核閱本案屍傷既拳毆之不已更是竹木與鐵器三者兼施幾於體無完膚尤屬慘無人道且傷痕至如此之多而且重則行兇者不止一人可以概見屍父楊慶詩所稱廖開合幫助一節恐亦不爲無因該被告人等旣均逮案收管仰速傳集人證提同審明按律嚴辦毋任狡延以彰法紀而端風化切切此令

檢察長蕭度

中華民國十年七月二十五日